

Supervizor za Brčko otklanja prepreke u procesu verifikacije stare devizne štednje u Brčko Distriktu

Supervizor za Brčko Susan R. Johnson je izdala nalog kojim obavljanje verifikacije stare devizne štednje u Brčko Distriktu povjerava Agenciji za posredničke, informatičke i finansijske usluge A.D. Banja Luka (APIF).

Nalogom se ovlašćuje Vlada Brčko Distrikta da potpiše ugovor sa Agencijom bez odobrenja Skupštine, pod uslovom da troškovi obavljanja verifikacije po zahtjevu ne budu veći nego su u Republici Srpskoj i Federaciji BiH.

Skupština Brčko Distrikta do sada nije odobrila sredstva za obavljanje verifikacije stare devizne štednje koja su potrebna da bi Vlada mogla dodijeliti ugovor. Ne zna se kada će Skupština nastaviti sa redovnim zasjedanjem.

Supervizor je preduzela ovaj korak kako bi otklonila prepreke zbog kojih bi građani Brčko Distrikta bili isključeni iz procesa verifikacije stare devizne štednje koji se provodi u cijeloj zemlji.

Agencija za posredničke, informatičke i finansijske usluge A.D. Banja Luka je identifikovana kao najadekvatnija da obavi verifikaciju potraživanja građana Brčkog, u skladu sa Zakonom o javnim nabavkama BiH.